

Cristiano Kausayninchej tantakuypaj referencias

6-12 DE ENERO

BIBLIAMANTA SUMAJ YACHACHIYKUNA | GÉNESIS 1, 2

**“Jehová Dios Jallp’api kausayta rikhuri-
chin”**

(Génesis 1:3, 4) Chantá Dios nerqa: K’anchay kachun, nispa, k’anchaytaj karqa. ⁴ Dios rikorqa k’anchayqa sumaj kasqanta. K’anchaytataj laqhamanta t’aqarqa.

(Génesis 1:6) Chaymanta Dios nerqa: Yaku chawpipi uj jark’achina kachun, yakuta iskayman t’aqaj, nispa. Ajinataj karqa.

(Génesis 1:9) Chaymanta Dios nerqa: Cielo urapi kaj yakoqa uj cheqallapi kachun, ch’aki kaj rikhurinampaj, nispa. Ajinataj karqa.

(Génesis 1:11) Chantá Dios nillaraqataj: Jallp’api tukuy laya q’omerkuna wiñachun: Mujoj qhoras, poqoj sach’as ima, nispa. Ajinataj karqa.

it-1-S pág. 571 Creación

Dios Ñaupaj kaj Diapi: “K’anchay kachun”, nejtin phuyusnejta uj chharpu k’anchay rikukorqa. Manataj sut’ita yachakorqachu maymantachus chay k’anchay jamusqanta. K’anchayqa pisimanta pisi rikhurinman karqa. Chaytataj nin inglés parlaypi J. W. Watts sutiyoj runa: “K’anchayqa pisimanta pisi rikukorqa”, nispa (Gé 1:3, *A Distinctive Translation of Genesis*). Diosqa k’anchayta laqhamanta t’aqarqa, k’anchaytaqa suticharqa P’unchay, nispa. Laqhatataj suticharqa: Tuta, nispa. Chaytaj rikuchin Jallp’aqa Intej muyuninta muyusqanta, ajinamanta muyusqanman jina uj ladonpi k’anchay karqa uj ladonpitaj laqha karqa (Gé 1:3, 4).

Iskay kaj Diapitaj, Diosqa yaku chaupipi uj jark’achinata ruwarqa, yakuta iskayman t’aqanampaj. Khuskan yakoqa urapi qhepakorqa, khuskantaj patapi. Jinamanta chay iskayman t’a-

qaj yaku jark’achinata suticharqa: Cielo, nispa. Chaytaj mana niyta munanchu estrellas chayri patapi kaj waj imas yakumanta kasqanta (Gé 1: 6-8; EXPANSIÓN nisqata leeriy).

Kinsa kaj Diapi Diosqa jallp’api kaj yakuta uj cheqallaman tantaykorqa, jinamanta ch’aki kaj rikhurerqa. Chay ch’aki kajtataj Diosqa suticharqa Jallp’a, nispa. Chay diallapitaj Dios Jallp’api tukuy laya q’omerkunata wiñacherqa: Qhoras-ta, mujojkunata, poqoj sach’asta ima. Chaykunaga mana jinallamantachu rikhurerqanku (Gé 1:9-13).

(Génesis 1:14) Chaymanta Dios nerqa: K’anchaykuna kachun cielopi, p’unchayta wajman, tutatataj wajman t’aqanampaj, jinallataj señal kanampaj tiempospaj, p’unchaykunapaj, wataspajwan.

(Génesis 1:20) Chantá Dios nerqa: Yakupi rikhurichunku ashkha animales; jinallataj p’isqospis jallp’a patata phawaykachajkuna kachunku, nispa. Ajinataj karqa.

(Génesis 1:24) Chantá Dios nerqa: Jallp’a patapi kawsachunku tukuy laya animales: Monte animales, uywas, pampata qhatatakojkuna ima, layankuman jina, nispa. Ajinataj karqa.

(Génesis 1:27) Diosqa runata ruwashaspa, payman rijch’akoja ruwarqa; qharita warmi-tawan ruwarqa.

it-1-S pág. 571 párrs. 8, 9-pág. 572 párrs. 1, 2 Creación

Hebreo parlaypi ‘a-sáh palabraqa niyta munan “imapis ruwasqa kananta”. Chay palabratataj oqharikun Jehová Dios Intita, Killata, ch’askasta ima Tawa kaj Diapi ruwasqanmantaña parlana-paj. Chay “diapi” Diosqa jatuchaj k’anchaykunata k’anchacherqa. Chantapis “Dios churarqa k’anchaykunata cieloman, jallp’ata p’unchaynintin, tutantin k’anchamunankupaj”, chaymanta-pacha Jallp’a patamanta sut’ita rikukunman karqa, cielopipis kashankuman jina. Chantapis

k'anchaykunaqa, kanan karqa “señal kanampaj tiempospaj, p'unchaykunapaj, watas pajwan”. Runataj chaykunawan yanapachikunman karqa tukuy imaymanamanta (Gé 1:14).

Phishqa kaj Diapitaj Jallp'api animales ruwasqa karqa. Diosqa mana munarqachu *uj* laya animallamanta tukuy laya animales rikhurinankuta, manaqa atiyinwan Dios *may chhika* animalesta rikhuricherqa. Chaymanta parlaspa Biblia nin: “Dios ruwarqa jatuchaj manchachikuna jina animalesta mama qochapi, tukuy laya khurustawan, layankuman jina yakupi kawsajkunata, jinallataj tukuy laya p'isqostapis layankuman jina”, nispa. Diosqa chay ruwasqasninmantakusisqa kasharqa, bendecispataj nerqa ‘miranankuta’. Imajtinchus Diosqa ruwarqa tukuy laya animalesta layankuman jina miranankupaj (Gé 1:20-23).

Sojta kaj Diapitaj “Dios ruwarqa monte animalesta layankuman jina, uywasta layankuman jina, jinallataj pampata qhatatakoj animalestapis layankuman jina”. Ñaupajpi ruwasqasnin jinallataj kayta ruwasqanpis Diospajqa sumajllataj karqa (Gé 1:24, 25).

Sojta kaj Día tukukuytataj Diosqa runata ruwarqa. Runaqa animalesmanta nisqa aswan kuraj karqa, nitaj ángeles jinachu. Diosqa runata ruwarqa payman rijch'akojta. Génesis 1:27 versiculopi runamanta parlaspa “qharita warmitawan ruwarqa” nejtinpis, Génesis 2:7-9 versiculospi rikuchin Jehová Diosqa runata ñut'u jallp'amanta ruwasqanta, senqanmantaj kausay samayta samaykusqanta. Ajinamanta runaqa kausayta qallarera, uj k'acha huertapi, ashkha mikhuna patapitaj. Diosqa runata jallp'amanta ruwarqa, chaymantataj warmita ruwarqa Adanpa ujnin wajtanta orqhospa (Gé 2:18-25). Warmita ruwaytawan runata ruwayta tukucharqa (Gé 5:1, 2).

Sumaj yachachiykunata mask'ana

(Génesis 1:1) Qallariypeqa Dios cielotawan, kay pachatawan ruwarqa.

w15 1/6 pág. 5

Cientificospa ruwasqasninku

¿Mashkha unayniyojtaj cielo, Jallp'a ima?

Científicos nisqankuman jina, Jallp'anchejqqa 4 mil millones watayoj jinaña. Cielopi kaj imastaj 13 chayri 14 mil millones watayoj jinaña. Bibliatajri, mana ninchu mashkha unayniyojchus kasqankuta. Astawanpis Génesis 1:1 nin: “Qallariypeqa Dios cielotawan, kay pachatawan ruwarqa”, nispa. Chayrayku científicosqa estudiayta atinku Jallp'a, cielo ima mashkha unayniyojchus kasqankuta. Chaytataj ruwanku imaschá midinankupaj tiyan, chay imaswan midispa.

(Génesis 1:26) Chay qhepata Dios nerqa: Runata ruwanachej noqanchejman rijch'akojta. Tukuynin animalesmanta aswan atiyniyoj kachun; atiyin urapi kachunku: challwas, p'isqos, tawa chakiyojkuna, jallp'a patapi qhatatakojkuna ima, nispa.

it-2-S pág. 80

Jesucristo

Dioslla tukuy imata ruwaj. Jesusqa tukuy imata ruwayserqa, chaywanpis mana Tatan jina tukuy imata ruwajchu karqa. Imajtinchus tukuy imaqa Diospa espíritu santonwan chayri atiyinillanwan ruwasqa karqa (Gé 1:2; Sl 33:6). Jehová Dioslla kausay Juturi kasqanrayku tukuy ima, rikukoj mana rikukoj imaspis paypa ruwasqan (Sl 36:9). Chantapis Jehová Diosqa, Jesusnejta tukuy imata ruwarqa. Jesuspis nerqa Dioslla tukuy imata ruwaj kasqanta. Tukuynin Bibliapipis chayllatataj nin (Mt 19:4-6; CREACIÓN nisqata leeriy).

Bibliata leenapaj

(Génesis 1:1-19)

13-19 DE ENERO

BIBLIAMANTA SUMAJ YACHACHIYKUNA | GÉNESIS 3-5

“¿Imastaj kashan Satanás llullakuyta qallarisanmantapacha?”

(Génesis 3:1-5) Katareqa may jina yuyay-

sapa karqa, Tata Diospa tukuy monte ani-
malesta ruwasqasninmanta nisqaqa. Chan-
tá payqa warmita taporqa: Huertapi kaj tu-
kuynin sach'aspa poqoyninta ama mikhunki-
chejchu, nispachu Diosqa nisunkichej? nispa.

² Warmitaj kuticherqa: Atiyku mikhuyta tukuy-
nin sach'aspa poqoyninta. ³ Huerta chawpipi
kaj sach'allamanta Diosqa niwayku amapuni
mikhunaykuta, ni llojchirinallaykutapis. Chay-
mantachus mikhunkichej chayqa, wañunki-
chej, niwayku. ⁴ Kataritajrí warmita nerqa:
Chayqa mana jinachu; mana wañunkichejchu.

⁵ Dios allinta yachan, chay sach'aj poqoyninta
mikhuspa, sumaj yachayniyojman tukunayki-
chejta. Ajinamanta chaywan qankunaqa Dios
jina kankichej, yachankichejtaj imachus allin
kajta, mana allin kajtapis, nispa.

w17.02 pág. 5 párr. 9

Jehovaj munaynenqa junt'akonqapuni

⁹ Kuraj Supay Satanasqa, Evata uj katarinejta
ch'aukiyarqa Tatan Jehovata mana kasukunan-
paj (**Génesis 3:1-5 leey**; Apo. 12:9). Runasqa
'huertapi kaj tukuy nin sach'asmanta', uj sach'aj
poqoynillanta mana mikhunankuchu karqa. Sa-
tanastaj chayta mana allinpajchu qhawachiyta
munarqa. Evaman kaytapis nishanman jina kar-
qa: "Nichá imatapis munasqaykiman jina ruway-
ta atinkichu á", nispa. Chantá llullakuspa nerqa:
"Chayqa mana jinachu; mana wañunkichejchu",
nispa. Jehovata Eva mana kasukunanpajtaj, ner-
qa: "Dios allinta yachan, chay sach'aj poqoynin-
ta mikhuspa, sumaj yachayniyojman tukunayki-
chejta", nispa. Chaywantaj Satanasqa kaytapis
nishanman jina karqa: "Jehovaqa mana munan-
chu yachayniyoj kanaykichejta, chayrayku chay
sach'amanta jark'akusunkichej", nispa. Engañay-
ta tukunanpajtaj, Evaman nerqa: "Dios jina kan-
kichej, yachankichejtaj imachus allin kajta, mana
allin kajtapis", nispa.

(Génesis 3:6) Warmeqa sach'ata qhawarer-
qa, mikhunapaj jina moq'eyta, jinallataj chay-
ta mikhuykuspa imatapis yachanapaj jina
kasqanta. Ujnin poqoyninta p'itispataj, mi-

khuykorqa; qosanmampis jaywarqa, paypis
mikhuykullarqataj.

w00-S 15/11 págs. 25, 26

¿Imatataj Adanmanta Evamanta yachakusun- man?

Evaqa mana juchapi urmanmanchu karqa. Kay-
pi piensarina. Katareqa Diospis, Adanpis llulla-
kushasqankuta nerqa. Nichá allinchu sienteku-
sunman pillapis niwajtinchej familianchej llulla-
kuwasqanchejta. Evataj uyarillarqa katarej nis-
qanta. Chaywanpis allin kanman karqa katarita
mana uyarinan. Imajtinchus katareqa qhasita
parlasharqa Diospa justician, Adanpa nisqanpis
llulla kasqanta. Evaqa qosanta respetasqanray-
ku, tapurinan karqa niraj imatapis ruwashaspa.
Noqanchejpis Diospa kamachiykunasninpa con-
tranpi llullasta niwajtinchej, mana uyarinachu.
Jinapis Evaqa katarita creespa, sapallanmanta-
ña allin kajta, mana allin kajta ruwayta munar-
qa. Chayllapipuni yuyaspataj astawan munarqa.
Yuyayninmanta wijch'unanmanta chayri qosan-
wan parlarinanmantaqa chayllapipuni yuyarqa,
chaytaj manapuni allinchu karqa (1 Corintios 11:
3; Santiago 1:14, 15).

Adanqa warminta uyarerqa

Evaqa niraj imapi Adanta juchallicherqa. Adan-
pa ruwasqantaj mana allinchu karqa (Génesis 3:
6, 17). Adanqa warminta kasunantachus chay-
ri Diosta kasunantachus ajllanan karqa. Adan-
qa, Diostapuni kasukunan karqa, imajtinchus
pay tukuy imata qorqa, warmintapis. Imata ru-
wananpajpis Tatanpa yuyaychayninta mask'anan
karqa. Nitaj warmintachu qhatinan karqa. Adan-
qa sut'ita yacharqa Eva sach'aj poqoyninta mi-
khuykuspa allin kajta mana allin kajta yachayta
munasqan, qhasilla kasqanta. Apóstol Pablopis
nerqa: "Mana Adanchu ch'aukiyachikorqa, ma-
nachayqa warmi ch'aukiyachikorqa. Ajinapitaj ju-
challikorqa", nispa (1 Timoteo 2:14). Ajinamanta
Adanqa yachashaspa Jehová Diospa kamachis-
qanta p'akerqa. Arí, Adanqa mana creerqachu
Evaj pantasqanta Dios allinchananta. Astawan-
pis Evata mana pierdeyta munarqachu.

(Génesis 3:15-19) Qantawan, warmitawan chejninachisqaykichej. Jinallataj mirayniykiwan, mirayninwampis chejninakonqanku. Miraynin umaykita saruspa, p'altarparenqa, qantaj chaki talonninmanta khaninki, nispa. ¹⁶ Warmimantaqa Dios nerqa: Nanayniykita aswan ashkhata yapasaj wijsayoj kashajtiyki, nanaywantaj nacechikunki wawasniykita. Munasqaykitaj qosaykiman apasonqa, paytaj qanta kamachisonqa, nispa. ¹⁷ Qharimantaj nerqa: Warmiykita kasuspa, chay sach'aj poqoyninta amapuni mikhunkichu nishajtiy mikhuykusqaykirayku, kunanqa jallp'a maldecisqa kanqa; ancha ñak'ariywantaj mikhunaykipaj poqochinki tukuy kawsayniyki. ¹⁸ Jallp'aqa wiñachipusonqa khishkasta, tukuy sajra qhorastawan, qantaj qhasi qhoraspa poqoyninta mikhunki. ¹⁹ Jumpi suruyta llank'anki mikhunaykipaj, ñut'u jallp'aman tukunaykikama, imaraykuchus jallp'amanta ruwasqa kanki. Jallp'a kanki, jallp'allamantaj kutinki, nispa.

w12-S 1/9 pág. 4 párr. 2

Diosqa warmista jatunpaj qhawan

¿Warmitachu Dios maldicerqa?

Mana. Jehová Diosqa maldicerqa “ñaupa katarita, pichus sutichasqa Kuraj Supay”, chayta (Apocalipsis 12:9; Génesis 3:14). Jehová Diosqa Adán warminta kamachinanta nispa, mana nisharqachu warminta sufrichinanta (Génesis 3:16). Astawanpis nisharqa juchachakusqankurayku llakiykunapi rikukunankuta.

w04-S 1/1 pág. 29 párr. 2

Génesis libromanta wakin allin yachachiykuna (ñaupaj kaj)

3:17. ¿Mashkha tiempotataj Dios jallp'ata maldicerqa? Dios jallp'ata maldecisqanrayku, jallp'ata llank'ay mana facilchu karqa. Adanpa wawasnenqa rikorqanku jallp'a maldecisqa kasqanrayku khishkas, tukuy sajra qhoras ima wiñasqanta. Chayrayku Noej tatan Lamec nerqa: “Dios maldecin jallp'ata, llank'ananchej tiyan atiy mana atiyta”, nispa (Génesis 5:29). Jatun Para pasaytataj, Jehová Diosqa Noeta wawasninta ima bendecispa nerqa, miranankuta, kay pachamantaj junt'a-

nankuta (Génesis 9:1). Diosqa chay kutipi watejmantasina jallp'ata bendicerqa (Génesis 13:10).

it-1-S pág. 717

Parto nanay

Nacechikoj warme j nanaykunasnin. Eva juchachakusqanrayku, Dios payman nerqa wawata sinch'i nanaywan nacechikunanta. Eva kasukunman karqa chayqa, Diosqa bendecillanmanpuni karqa. Wawata nacechikuypis jatun kusi paypaj kanman karqa. Imajtinchus “Diospa bendicionnenqa qhapajyachin, nitaj ima llakiytapis chay bendición apamunchu” (Pr 10:22). Chaywanpis juchasapa kasqanrayku, cuerponqa manaña allintachu funcionarqa, nanaywantaj nacechikunan karqa. Chantapis Diosqa Evaman niyta aterqa: “Nanayniykita aswan ashkhata yapasaj wijsayoj kashajtiyki, nanaywantaj nacechikunki wawasniykita”, nispa (Gé 3:16).

Sumaj yachachiykunata mask'ana

(Génesis 4:23, 24) Uj kuti Lamecqa warmisninta nerqa: Ada, Zila, sumajta uyariwaychej imatachus nisqayta: Warmisniy, uj runata wañuchini wajtawasqanrayku, uj waynatataj saj-mawasqanrayku. ²⁴ Sichus Cainta qanchis kutita castigantanku chayqa, noqataqa castigawanqanku qanchis chunka qanchisniyoj kutista.

it-2-S pág. 183 párr. 2

Lamec

Lamec imatachus warmisninman nisqanqa, rikuchin chay tiempopi runasqa may sajras kasqankuta. Lamec nerqa: “Sumajta uyariwaychej imatachus nisqayta: Warmisniy, uj runata wañuchini wajtawasqanrayku, uj waynatataj saj-mawasqanrayku. Sichus Cainta qanchis kutita castigantanku chayqa, noqataqa castigawanqanku qanchis chunka qanchisniyoj kutista”, nispa (Gé 4:23, 24). Chaywanqa Lamec ichapis nisharqa kutichikushallasqanta, manataj Cain jinachu runata wañuchispa juchallikusqanta. Imajtinchus Lamecqa maqasqan runata wañurpachisqa kutichikushaspalla. Chayrayku, payqa mañakorqa mana vengakunankuta payta maqaj runata wañuchisqanmanta.

(Génesis 4:26) Setpatapis churin kallaraqataj, sutintaj karqa Enós. Chaymantapacha Tata Diospa sutinta oqhariyta qallarerganku Diosninkupaj rejsikapusqankurayku.

it-1-S pág. 359

Diospa contranta rimay

Abelqa Diospa sutinta oqharispachá payman qayllaykoj. Chaywanpis niraj Jatun Para qallari-shajtin Enospa tiemponpeqa, ‘Diospa sutinta’ nisina maychus kajtachu oqharej kanku (Gé 4:26; Heb 11:4). Wakin runas nisqankuman jina sichus Diospa sutinta oqharikoj qhasi mana kajta, runasman chayri santosman churanankupaj chayqa, Diospa contranpi juchallikuy jina kanman (ENÓS nisqata leeriy).

Bibliata leenapaj

(Génesis 4:17–5:8)

20-26 DE ENERO

BIBLIAMANTA SUMAJ YACHACHYKUNA | GÉNESIS 6-8

“Noeqa Dios nisqanman jinapuni ruwarqa”

(Génesis 6:9) Kay jina karqa Noeypa kawsaynin: Noeqa cheqan karqa, sumaj runataj chay tiempo runa mita ukhupi, Diosta kasuspapuni. Ajinaqa pay k’atalla Diospa munayninta ruwarqa.

(Génesis 6:13) Runasqa juchapi pejtusqa karqanku. Chayrayku Dios chay jina millay juchasapasta rikuspa, Noeta nerqa: Noqa tukuchisaj kay runasta. Paykunaj juchallikusqankurayku imaymana jucha kay pachaman jun’tan. Chayrayku tukuchisaj paykunata tukuy jallp’antinta.

w18.02 pág. 4 párr. 4

Noé jina, Daniel jina, Job jinataj creeyniyoj kana, Diostatata kasukuna

4 Noeqa ashkha llakiykunapi rikukorqa. Noeypa tatanpa awelitonqa, Enoc karqa. Enocpa tiemponpitaj, runasqa manchay sajras karqanku,

Jehová Diospa “contranpitaj sajrata” parlaj kan-ku (Jud. 14, 15). Enocpa tiemponmantapacha Noeypa tiemponkama, runasqa astawan sajrayarqanku. Imajtinchus Noeypa tiemponpi “kay pachaga imaymana juchawan jun’ta karqa”. Sajra angelespis, kay jallp’aman uraykamuspa runasman tukorqanku, warmiswantaj casarakorqanku. Wawasninkutaj manchay kallpasapas, sajrastaj karqanku (Gén. 6:2-4, 11-13). Chaywanpis Noeqa mana chay sajra runas jinachu karqa. Bibliaqa nin: “Noeqa Diospa ñawpaqem-pi khuyakuyta tarerqa”, nispa. Arí, Noeqa cheqan kajtapuni ruwarqa, ‘Diosta kasuspapunitaj’ kausakorqa (Gén. 6:8, 9).

(Génesis 6:14-16) Qanqa ruway uj arcata gofer maderamanta. Ukhumpitaj ruway ashkha cuartosta. Jinaspataj, mach’awan lluch’i-ranki ukhunta jawantawan, tukuy lajrasninta ama yaku yaykunampaj. ¹⁵ Kay jinata arcata ruwanki: Sayt’unman ruwanki pachaj kinsa chunka phishqayoj metrosniyojta, kinrayninmantaj iskay chunka iskayniyoj metros, phishqa chunka centímetrosniyojta; sayayninmantaj chunka kinsayoj metros phishqa chunka centímetrosniyojta ruwanki. ¹⁶ Chantá ruway kinsa alto patasniyojta, uj ventanayojta, chaytaj kachun techo uramanta khuskan metropi; uj ladompitaj punkunta ruwanki.

w13 1/4 pág. 14 párr. 1

“Diospa munayninta ruwarqa”

Noeqa arcata sayachinanpaj, sach’asta k’utorqa, k’ullusta qhataterqa, chantá vigasta, tablasta, waj imasta ima ruwarqa. Arcaqa kinsa alto patasniyoj kanan karqa, ukhumpitaj ashkha cuartosniyoj. Chantapis techo uranpi ventanaswan muyurisqata, uj ladopi punkuyojta ima ruwanan karqa. Techoj chaupinpi, yaku ladosninta surunanpaj jina tumpa oqharisqa kanan karqa. Arcaqa 40 chayri 50 wataspi jina tukuchakorqa (Génesis 6:14-16).

(Génesis 6:22) Ajinata Noeqa ruwarqa, Dios imaynatachus payman nisqanman jina.

“Pacienciawan ñawpajllamampuni t’ijunachej”

¹³ ¿Imataj Jehovaj kamachisninta mana sayk’uspa correnallankupajpuni, atipanankupajtaj yana-parqa? Pablo, Noemanta parlarisqanta qhawarina (**Hebreos 11:7 ñawiriy**). Jehovaqa, Noeman nerqa: “Jatun parata parachimusaj yakoqa kay pachata p’ampanankama, kay pachapi tukuy kawsajkunata chinkachinampaj”, nispá (Gén. 6:17). ¿Imaraykutaj Pablo manaraj rikukusqan imas kasqanta nerqa? Imaraykuchus chay jina paraqa ni jayk’aj kasqachu. Chaywanpis Noeqa, Jehovaj nisqan junt’akunanpipuni creerqa, paypi atienekusqanrayku, kamachisqantataj atinanjá jinalla qhawarqa. “Ajinata Noeqa ruwarqa, Dios imaynatachus payman nisqanman jina” (Gén. 6:22). Arí, payqa arcata ruwanan karqa, chaymantaj mikhunata, q’achuta ima apaykunanan karqa, animalesta tantanan karqa, Jatun Para jamunanmanta runasman willanan karqa, familiantapis Diospi atienekunallankupajpuni yanapanan karqa. Noeqa sinch’ita sayasqanrayku, atienekusqanraykutaj, pay, familian ima mana wañorqankuchu, ashkha bendicionestataj jap’erqanku.

Sumaj yachachiykunata mask’ana

(Génesis 7:2) Tukuy llimphupaj qhawasqa uywasman qhatiykuy qanchis chinasta, orqos-tawan. Mana llimphupaj qhawasqa kajkunamantari uj chinatawan, uj orqollatawan qhatiykunki.

w04-S 1/1 pág. 29 párr. 7

Génesis libromanta wakin allin yachachiykuna (ñaupaj kaj)

7:2. ¿Imaynatataj reparaj kanku mayqen animaleschus llimphupaj qhawasqa kasqankuta mayqenkunatajchus mana llimphupaj qhawasqa kasqankuta? Chaytaqa reparankuman karqa chay animal Diosman jaywanapaj kasqanpishina, nitaj chay animal mikhunapajchus manachus kasqanpichu. Jatun Para ñaupajtaqa runas mana aychata mikhojchu kanku. Moisespa Leyninpi por primera vez oqharikorqa “llimphu” pa-

labrata chantá “ch’ichi” palabrata mikhunaman-ta parlaspa. Moisespa Leynin manakajman tukuchisqa kajtintaj manaña ch’ichipaj, chayri llimphupaj qhawasqa animales kargachu (Hechos 10:9-16; Efesios 2:15). Reparanchej jina, Noeqa yacharqa mayqen animalchus Jehová Diosman jaywanapaj kasqanta. Arcamanta llojsiyta-wan “uj altarta Tata Diospaj ruwarqa, chaypitaj Diospaj uj uywa wañuchisqata q’olacherqa, mikhuna uywasta, phawajkunata ima sapa layamanta ujtakama ajllaspa” (Génesis 8:20).

(Génesis 7:11) Chaypacha karqa chunka qanchisniyoj p’unchay iskay kaj killapi. Noetaj karqa sojta pachaj watasniyoj. Chay p’unchaypi-puni yuyay chinkay ukhu pacha qocha phullchimorqa, jinallataj cielopi kaj yakupis t’ojyamuspa, musphayta jich’akamorqa.

w04-S 1/1 pág. 29 párr. 8

Génesis libromanta wakin allin yachachiykuna (ñaupaj kaj)

7:11. ¿Maymantataj Jatun Parapi jich’akamoj yaku karqa? Iskay kaj “diapi” Jallp’apaj uj jark’achinata Dios ruwashajtin, yakuta iskayman t’a-qarqa. Khuskan qhepakorqa urapi, khuskantaj patapi (Génesis 1:6, 7). Jark’achinaj uranpi kaj yakusqa Jallp’apiña kasharqa. Patapi kaj yakustaj jallp’amanta aswan patapi kasharqa, ashkha phuyuspi tantasqa, chaytaj karqa ‘chinkay ukhu qocha’. Chay yakustaj Noejpa tiemponpi Jallp’a-man jich’akamorqa.

Bibliata leenapaj

(Génesis 6:1-16)

27 DE ENERO–2 DE FEBRERO

BIBLIAMANTA SUMAJ YACHACHIYKUNA | GÉNESIS 9-11

“Tukuy runas uj parlayllata parlaj kanku”

(Génesis 11:1-4) Chay tiempopi tukuy runas uj parlayllata parlaj kanku. ² Maypachachus inti llojsimuynejmanta llojsimorqanku chaypacha, tarerqanku uj pampata Sinarpi, chaypitaj

qhepakorqanku unayta tiyakunankupaj. ³ Ujpacha ninakorqanku paykunapura: Ladrillosta ruwanachej ninapi chayachispa, nispa. Chayta ruwarqanku rumej cuentanmanta, mach'ata chhajwatawan chajruykuspa. ⁴ Chaymantataj ninakorqanku: Kunanqa ruwanachej uj llajtata, uj torretawan janaj pachaman chayanampaj. Ajinamanta noqanchej sumaj atiy-niyoj nisqa kasunchej, amataj tukuynejman ch'eqerananchejpaj, nispa.

it-1-S pág. 275

Jatun Babilonia

Ñaupá tiempomanta Babilonia llajta. Babilonia llajtaqa Sinar pampapi sayarichisqa karqa, maypichus Babel torre sayarichisqa karqa, chayllapitaj (Gé 11:2-9). Babel torrewan, Babilonia llajtawanqa, mana Diosta jatunchanapajchu sayarichisqa karqanku. Manaqa chaykunata ruwajkuna 'sumaj atiyniyoj nisqa kanankupaj'. Babiloniapi jinallataj Mesopotamiapi templosta p'ampasqata tarisqankuqa, rikuchispa jinan llulla diosesta yupaychanapaj kasqankuta imayna ruwasqa kajtinkupis. Jehová Dios chay torreta ruwashajtinku pantachisqanqa, sut'ita reparachiwanchej chay torreqa llulla diosesta yupaychanapaj kasqanta. Hebreo parlaypi Babel palabraqa niyta munan "Pejtu", sumerio parlaypi (*Ka-dingir-ra*) acadio parlaypitaj (*Bab-ilu*) niyta munan "Diospa Punkun". Chayrayku chay llajtallapipuni qhepakojkunaqa, chay llajtaj sutinta waj jinaman cambiarqanku mana chay llajta castigasqa kasqanta yachakunanpaj. Jinapis chay mosoj suteqa llulla diosesta yupaychayllamanpuni jap'icherqa.

it-2-S pág. 204 párr. 6

Parlay

Génesis libroqa nin Jatun Para pasayta Dios Noeman wawasninmanwan jallp'aman junt'anankuta kamachisqanta. Chaywanpis wakin runasqa mana Diospa munayninman jinachu ruwasqanku (Gé 9:1). Chay runas 'jallp'aman junt'anankumantaqa' uj lugarllapi qhepakuyta munarqanku, Sinar pampapi (Mesopotamia). Chay

lugarpeqa uj torretawan ruwaspa llulla diosesllataj yupaychankuman karqa (Gé 11:2-4).

(Génesis 11:6-8) Chantá pay nerqa: Runasqa kunan sumaj ujchasqa kashanku, uj parlayllatataj parlanku; jinamanta kaytaqa ruwanku. Jinaqa kunanmantaqa imatachus munasqankuta ruwallanqankuña. ⁷ Kunanqa jaku, urayk'unachej parlayninkuta chajroj, parlasqankuta ama entiendenakunankupaj, nispa. ⁸ Ajinata Tata Diosqa tukuynejman paykunata ch'equeracherqa. Paykunataj chay llajtata ruwayta saqeporqanku.

it-2-S pág. 204 párr. 7

Parlay

Tukuy Atiyniyoj Diosqa jatunchakuyta munaj runasta pantacherqa parlayninkuta chajrurpaspa. Ajinamanta chay runasqa, manaña ujchasqa llank'ayta aterqankuchu, tukuynejmantaj t'aqarakorqanku. Parlayninku chajrusqa kasqanraykutaj manaña Diospa contranpi oqharikuyta aterqankuchu. Imajtinchus paykunaqa manaña uj runa jinalla yuyaychakuspa sajra imasta ruwayta aterqankuchu. Imatachus waj parlaykunapi yachakusqankupis nillataj allinta yanaparqachu. Imajtinchus chay yachayqa mana Diosmantachu jamorqa, manaqa paykunaj experienciallan-kumanta, investigasqankumantataj (kay textoswan kikin-chay Ec 7:29; Dt 32:5). Runas manaña kikin parlayniyoj kasqankurayku t'aqanasqas kajtinkupis, chayqa allin karqa. Imajtinchus uj parlayniyojllapuni kankuman karqa chayqa, unayña jatuchaj sajra imasta ruwankuman karqa (Gé 11:5-9; kikin-chay Isa 8:9, 10). Reparanchej jina kay tiempo runasqa yachayniyojman tukuspa sajra imasllata ruwanku. Diosqa yacharqaña runas pisi tiempollapi sajra imasta ruwanankuta, chayrayku Babelpi runaspa parlayninkuta chajrurparqa.

(Génesis 11:9) Chay cheqapi Tata Dios chajrurparerqa runaspa parlayninkuta tukuy-nin kay pachapi, chaynejmantataj paykunata tukuynejman ch'equeracherqa. Chayrayku chay llajtajta sutin karqa Babel.

Naciones

Mana uj parlayllata parlasqankurayku, sapa idioma parlay grupoqa rikhuricherqanku culturankuta, costumbresninkuta, religionninkuta ima. Chantapis sapa idioma parlay grupoqa mana kikin imastachu ruwaj. Astawanpis sapa grupo munasqankuman jina imatapis ruwarqanku (Le 18:3). Diosmanta karunchasqa kasqankuraykutaj, sapa llajtapi ashkha lantista ruwakorqanku yupaychanankupaj (Dt 12:30; 2Re 17:29, 33).

Sumaj yachachiykunata mask'ana

(Génesis 9:20-22) Noeqa jallp'ata llank'ayta qallarérqa, chaypitaj uvasta poqocherqa. ²¹ Uj kuti uvamanta vinota ujjaykorqa, machaykorqataj. Jinamanta payqa machasqa q'alla toldon ukhupi wijch'urpayakorqa. ²² Chantá Canaanpa tatan Camqa tatan Noeta q'alla llata rikuytawan, rispa wawqesninman willamorqa.

(Génesis 9:24, 25) Noé rijch'arísqa, machasqamanta ch'aki sonqoman kutiriytawan, yacharqa sullk'a kaj churin imatachus ruwasqanta. ²⁵ Chayrayku pay nerqa: Canaanqa maldecisqa kachun; wawqesnimpa kamachisnimpa kamachin kachun, nispa.

it-1-S pág. 397 párr. 7**Cam**

Ichá Canaanpis tatan jinallataj ruwaspa pan-tarqa. Tatan Camtaj nisina k'amerqachu. Chayri Noeqa aswan qhepamanta parlaspa nishanman karqa, Canaanpa miraynin Cam jina kankuta. Campa mana allin ruwasqanqa, ichapis wawan Canaanpi rikukusharqaña. Sempa mirayninmanta israelitasqa, cananeosta atiparqanku. Ajinamanta maldecisqa kasqanqa pisi-manta pisi junt'akusharqa. Mana chinkachisqa kajkunataj (gabaonitas jina [Jos 9]) israelitaspa esclavosnin karqanku. Aswan qhepamantaj, chay maldicionqa junt'akorqa Canaanpa miraynin, Medo-Persiaj, Greciaj, Romaj atiyinpi kas-

qankuwan. Chay atiyiniyoj suyusqa Jafetpa mirayninmanta karqanku.

(Génesis 10:9, 10) Nimrodqa wapu karqa Tata Diospa ñawpaqempi monte animalesta jap'inampaj. Chaymanta jamun chay niy: Nimrod jina wapu, Tata Diospa ñawpaqempi animalesta jap'ej, nisqa. ¹⁰ Kamachisqasnín llajtasqa karqanku Sinar jallp'api: Babel, Erec, Acad, Calne ima.

it-2-S pág. 481**Nimrod**

Qallariypeqa Nimrodpa kamachisqasnín llajtasqa karqanku Sinar jallp'api: Babel, Erec, Acad, Calne ima (Gé 10:10). Chayrayku pay kamachinman karqa Babel llajtata, torrenta ima ruwaku-nampaj. Judiospis ajinallatataj nej kanku. Josefo qhelqarqa: “[Nebrodesqa (Nimrod)] gobernashaspa pisimanta pisi may sajraman tukorqa. Payqa runasta kamachisqasninta kasunankupaj mat'ispalla Diosmanta karunchachiyta yuyarqa. Nerqataj Dios watejmanta yakuwan runasta chinkachiyta munajtenqa, pay uj jatun torreta ruwananta ni jayk'aj yaku p'ampaykunanjaj jina. Nillaraqataj Diosmanta vengakunanta ñaupata-tasninta wañuchisqanrayku. Runastaj Nebrodespa [Nimrod] kamachisqanman jina ruwanankuta nerqanku, Diosta kasukuytaj manchalis-paj kasqanta nerqanku. Torretataj [...] sayaricherqan-kupacha”, nispa (*Antigüedades Judías*, libro I, cap. IV, secs. 2, 3).

Bibliata leenapaj**(Génesis 10:6-32)**